



Broj: 09-20-11-2-3232/22

Datum: 23.02.2023. godine

Na osnovu člana 43. i 45. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14, 59/22), i preporuke Komisije za provođenje otvorenih postupaka nabavke u 2023. godini, zamjenik direktora Federalne uprave policije **d o n o s i :**

ODLUKU

o poništenju postupka javne nabavke rezervnih dijelova i usluga popravke iz programa VW, Škoda, Land Rover i Toyota koja nisu u garanciji

1. Poništava se postupak javne nabavke rezervnih dijelova i usluga popravke iz programa VW, Škoda, Land Rover i Toyota koja nisu u garanciji u skladu sa članom 69. stav 3. Zakona o javnim nabavkama BiH zbog razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.
2. Ova Odluka objavit će se na web stranici Federalne uprave policije www.fup.gov.ba u skladu sa članom 70. Stav (6) Zakona o javnim nabavkama ("Službeni glasnik BiH", broj: 29/14).
3. Ova odluka stupa na snagu danom donošenja
4. Za izvršenje Odluke zadužuje se Sektor za materijalno- finansijske poslove.

OBRAZLOŽENJE

Federalna uprava policije provela je otvoreni postupak javne nabavke rezervnih dijelova i usluga popravke iz programa VW, Škoda, Land Rover i Toyota koja nisu u garanciji, koji je pokrenut Odlukom o pokretanju postupka javne nabavke broj: 20-20/1-11-2-3232/22 od 30.12.2022.godine, prema Obavještenju o nabavci broj:1412-1-1-4-3-2/23 od 04.01.2023. godine, objavljenom u Službenom glasniku BiH broj: 3/23 dana 13.01.2023. godine, Komisija za provođenje otvorenih postupaka nabavki za 2023. godinu, imenovana Rješenjem zamjenika direktora Federalne uprave policije broj: 09-19/1-30-2-26 od 04.01.2023.godine utvrdila je da do propisanog krajnjeg roka za dostavljanje ponuda su dostavljene dvije ponude koje su u zakazano vrijeme i otvorene o čemu je sačinjen Zapisnik o otvaranju ponuda koji je dostavljen ponuđačima.

Protekom šest dana od otvaranja ponuda za pomenuti postupak, Komisija je od strane pisarnice Federalne uprave policije zaprimila akt broj 19-19/2-11-2-3232/22 od 30.01.2023. godine u prilogu kojeg su Komisiji dostavljene još dvije zatvorene koverta za isti postupak i to ponude ponuđača „Mirado“ doo Tuzla za LOT 1 i LOT 2, uz pismeno obrazloženje da je došlo do propusta Pisarnice i da ponude koje su zaprimljene u zakonskom roku radi otvaranja nisu pravovremeno predate tehničkom licu Komisije. Naknadno zaprimljene koverta – ponude Komisija nije otvarala, te je od Agencije za javne nabavke BiH aktom broj 09-19/1-30-2-26 od 01.02.2023. godine zatražila stručno mišljenje u pogledu nastavka provođenja dalje procedure predmetne javne nabavke.

U vezi sa navedenim, Komisija je zaprimila akt Agencije za javne nabavke BiH broj: 04-02-1-324-2/23 od 10.02.2023. godine, kojim je predloženo da se zbog apsolutno bitnih povreda Zakona proisteklih iz povrede postupka prilikom otvaranja ponuda poništi postupak javne nabavke.

Uvažavajući mišljenje Agencije za javne nabavke BiH, Komisija je ugovornom organu, zamjeniku direktora Federalne uprave policije, dostavila Zapisnik od 31.01. i 23.02.2023. godine kojim je dala preporuku da se u skladu sa članom 69., stav 3. Zakona o javnim nabavkama BiH, poništi postupak javne nabavke rezervnih dijelova i usluga popravke iz programa VW, Škoda, Land Rover i Toyota koja nisu u garanciji.

Razmatrajući prijedlog Komisije, zamjenik direktora je donio Odluku kao u dispozitivu.

Pravna pouka: Protiv ove Odluke može se izjaviti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

ZAMJENIK DIREKTORA
GENERALNI INSPEKTOR POLICIJE
Ensad Korman



Dostaviti:

- Sektor za mat. fin. poslove
- ponuđačima
- u spis